

摘藻堂四庫全書薈要

史部

欽定四庫全書薈要

史部

水經注卷十二

詳校官編修臣繆晉



欽定四庫全書薈要卷七千六百二十三

史部

水經注卷十二

後魏 酈道元 撰

聖水

巨馬水

聖水出上谷

故燕地

案近刻訛作也

秦始皇二十三年置上谷郡王隱晉

書地道志曰郡在谷之頭故因以上谷名焉王莽更

名朔調也

案更近刻作改

水出郡之西南聖水谷東南流逕

大防嶺之東首山下有石穴東北洞開高廣四五丈

入穴轉更崇深穴中有水者舊傳言昔有沙門釋惠

彌者好精物隱嘗篝火尋之傍水入穴三里有餘穴

分為二一穴殊小西北出不知趣詣一穴西南出入

穴經五六日方還

案穴近刻
訛作水

又不測窮深其水夏冷

冬溫春秋有白魚出穴數日而返人有採捕食者美

珍常味蓋亦丙穴嘉魚之類也

案類上近
刻行流字

是水東北

流入聖水聖水又東逕玉石山謂之玉石口山多珉

玉燕石故以玉石名之其水伏流里餘潛源東出又

東頽波瀉澗一丈有餘屈而南流也

案近刻脫南字

東過良鄉縣南

聖水南流歷縣西轉又南逕良鄉縣故城西王莽之

廣陽也有防水注之水出縣西北大防山南而東南

流逕羊頭阜下俗謂之羊頭溪

案謂近刻作為

其水又東南

流至縣東入聖水聖水又南與樂水合水出縣西北

大防山南

案山南近刻訛作南山

東南流歷縣西而東南流注

聖水聖水又東逕其縣故城南又東逕聖聚南

案聖聚近

刻訛作

聚聖

蓋藉水而懷稱也又東與俠河合水出良鄉

縣西甘泉原東谷東逕西鄉縣故城北王莽之移風也世謂之都鄉城按地理志涿郡有西鄉縣而無都鄉城蓋世傳之非也又東逕良鄉城南又東北注聖水世謂之俠活河又名之曰非理之溝也

又東過陽鄉縣北

案陽近刻作長蓋後人所改

聖水自涿縣東與桃水合水首受涑水于徐城東南

良鄉西分垣水

案垣近刻訛作垣

世謂之南沙溝

案沙近刻訛作涉

即桃水也

案桃原本及近刻並訛作杭考漢志涿縣下云桃水首受涑水分即此今改正

東

逕迺縣北又東逕涿縣故城下與涿水合世以為涿

水

案為近刻訛作謂

又亦謂之桃水出涿縣故城西南竒溝

東八里大坎下數泉同發東逕桃仁墟北或曰因水

以名墟則是桃水也或曰終仁之故居非桃仁也

案仁

近刻訛作水

余按地理志桃水上承涑水此水所發不與

志同謂終為是又東北與樂堆泉合水出堆東東南

流注于涿水涿水又東北逕涿縣故城西注于桃應
劭曰涿郡故燕漢高帝六年置其南有涿水郡蓋氏

焉

案近刻
脫郡字

闕駟亦言是矣今于涿城南無水以應之

所有惟西南有是水矣應劭又云涿水出上谷涿鹿
縣余按涿水自涿鹿東注灤水

案灤近刻訛
作濕下同

灤水東

南逕廣陽郡與涿郡分水漢高祖六年分燕置涿郡
涿之為名當受涿水通稱矣故郡縣氏之但物理潛
通所在分發故在匈奴為涿耶水

案匈奴近刻
訛作山谷

山川

阻闕竝無沿注之理所在受名者皆是經隱顯相關
遙情受用以此推之事或近矣而非所安也桃水又

東逕涿縣故城北王莽更名垣翰晉大始元年改曰

范陽郡今郡理涿縣故城城內東北角有晉康王碑

城東有范陽王司馬燒廟碑

案司馬近刻
訛作司寇

桃水又東

北與垣水會水上承涑水于良鄉縣分桃水

案承近
刻訛作

分分訛
作之

世謂之北沙溝

案沙近刻
訛作涉

故應劭曰垣水出

良鄉東逕垣縣故城北史記音義曰河間有武垣縣

涿有垣縣漢景帝中三年封匈奴降王賜為侯國王
莽之垣翰亭矣世謂之項城非也又東逕項亦地名
也故有項上言世名之項前河又東洛水注之水上
承鳴澤渚渚方十五里漢武帝元封四年行幸鳴澤
者也服虔曰澤名在迺縣北界即此澤矣西則獨樹
水注之水出迺縣北山東入渚北有甘泉水注之水

出良鄉西山東南逕西鄉城西而南注鳴澤渚

案近刻脫

鳴渚水東出為洛水

案近刻脫渚水東出為洛六字

又東逕西鄉城

南又東逕垣縣而南入垣水垣水又東逕涿縣北東
流注于桃故應劭曰垣水東入桃闕駟曰至陽鄉注
之今按經脈而不能屈也桃水東逕陽鄉

案逕近刻
訛作入

東注聖水聖水又東廣陽水注之水出小廣陽西山
東逕廣陽縣故城北又東福祿水注焉水出西山東
南逕廣陽縣故城南東入廣陽水亂流東南至陽鄉
縣右注聖水聖水又東南逕陽鄉城西不逕其北矣
縣故涿之陽亭也地理風俗記曰涿縣東五十里有

陽鄉亭後分為縣王莽時更名章武即長鄉縣也按

太康地記涿有長鄉而無陽鄉矣聖水又東逕長興

城南又東逕方城縣故城北

案近刻脫北字

李牧伐燕取方

城是也魏封劉放為侯國聖水又東左會白祀溝溝

水出廣陽縣之婁城東東南流左合婁城水水出平

地導源東南流

案源近刻訛作泉

右注白祀水亂流東南逕

常道城西故鄉亭也西去長鄉城四十里魏少帝璜

甘露三年所封也又東南入聖水聖水又東南逕韓

城東詩韓奕章曰溥彼韓城燕師所完王錫韓侯其
追其貊奄受北國鄭玄曰周封韓侯居韓城為侯伯
言為獫夷所逼稍稍東遷也王肅曰今涿郡方城縣
有韓侯城世謂之寒號城案近刻脫
之字城字非也聖水又東
南流右會清淀水水發西淀東流注聖水謂之劉公
口也

又東過安次縣南東入于海

聖水又東逕勃海安次縣故城南漢靈帝

案近刻訛
作桓帝

中平三年

業近刻訛
作二年

封荊州刺史王敏為侯國又東

南流注于巨馬河而不達于海也

巨馬河出代郡廣昌縣涑山

即涑水也有二源俱發涑山東逕廣昌縣故城南王

莽之廣屏矣

業矣字近刻訛
在下句國字下

魏封樂進為侯國涑水

又東北逕西射魚城東南而東北流又逕東射魚城
南又屈逕其城東竹書紀年曰荀瑤伐中山取窮魚
之丘窮射字相類疑即此城也所未詳矣涑水又逕

三女亭西又逕樓亭北左屬白澗溪水有二源合注

一川川石皓然望同積雪故以物色受名其水又東

北流謂之石槽水伏流地下溢則通津委注

案溢近刻訛作

澗謂之白澗口涑水又東北桑谷水注之水南發桑

溪

案近刻脫桑字

北注涑水涑水又北逕小蠶東又東逕大

蠶南蓋霍原隱居教授處也

案近刻脫居字

徐廣云原隱居

廣陽山教授數千人為王浚所害

案近刻訛作召

雖千古世

懸猶表二蠶之稱既無碑頌竟不知定誰居也涑水

又東北歷紫石溪口與紫水合水北出聖人城北大

亘下東南流左會磊砢溪水

案磊近刻
訛作疊

蓋山崩委澗

積石淪隍故溪澗受其名矣水出東北西南流注紫

石溪水紫石溪水又逕聖人城東又東南右會檐車

水水出檐車硯

案車近刻
訛作石

東南流逕聖人城南

案近
刻作

城東
南

南流注紫石水又南注于涑水涑水又東南逕

榆城南又屈逕其城東謂之榆城河涑水又南逕藏

刀山下層巖壁立直上千霄遠望崖側有若積刀鏹

鑲相比咸悉西首涑水東逕徐城北故瀆出焉

案近刻脫

故瀆二字

世謂之沙溝水又東督亢溝出焉一水東南流

即督亢溝也一水西南出即涑水之故瀆矣

案近刻脫水字

水盛則長津宏注水耗則通波潛伏重源顯于迺縣

則舊川矣

案近刻訛作舊則川矣

東過迺縣北

涑水上承故瀆于縣北垂重源再發結為長潭潭廣

百許步長數百步左右翼帶涓流控引衆水

案近刻脫衆字

自成淵渚長川漫下十許里

案近刻訛作十一許步

東南流逕

酒縣故城東

案近刻脫通字

漢景帝中三年以封匈奴降王

隆疆為侯國王莽更名酒屏也謂之巨馬河亦曰渠

水也又東南流袁本初遣別將崔巨業攻固安不下

退還公孫瓚追擊之于巨馬水死者六七千人即此

水也又東南逕范陽縣故城北易水注之

又東南過容城縣北

巨馬水又東酈亭溝水注之水上承督亢溝水于酒

縣東東南流歷紫淵東余六世祖樂浪府君自涿之
先賢鄉爰宅其陰西帶巨川東翼茲水枝流津通纏
絡墟圃匪直田漁之贍可懷信為遊神之勝處也其
水東南流又名之為酈亭溝其水又西南轉歷大利
亭南入巨馬水又東逕容城縣故城北又東督亢溝
水注之水上承涑水于涑谷引之則長津委注遏之
則微川輟流水德含和變通在我東南流逕迺縣北
又東逕涿縣酈亭樓桑里南即劉備之舊里也又東

逕督亢澤澤苞方城縣縣故屬廣陽後隸于涿郡國志曰縣有督亢亭孫暢之述畫有督亢地圖言燕太子丹使荆軻齎入秦秦王殺軻圖亦絕滅地理書上古聖賢冢地記曰督亢地在涿郡今故安縣南有督亢陌幽州南界也風俗通曰沆漭也言乎淫淫漭漭無崖際也沆澤之無水斥鹵之謂也其水自澤枝分東逕涿縣故城南又東逕漢侍中盧植墓南又東散為澤渚督亢澤也北屈注于桃水督亢水又南謂之

白溝水南逕廣陽亭西而南合枝溝

案南合近刻訛作合南

溝

水西受巨馬河東出為枝溝又東注白溝白溝又南入于巨馬河巨馬河又東南逕益昌縣護淀水右注

之水承護陂于臨鄉縣故城西東南逕臨鄉城南

案近刻

漢封廣陽頃王子雲為侯國

案近刻脫頃字雲訛作須

地

脫城字

理風俗記曰

案近刻脫風俗二字

方城南十里有臨鄉城故縣

也

案此下近刻有城南十里四字係衍文

淀水又東南逕益昌縣故城

西南入巨馬水巨馬水東逕益昌縣故城南漢封廣

陽頃王子嬰為侯國王莽之有秩也地理風俗記曰

方城縣東八十里有益昌城故縣也又東八丈溝水

注之水出安次縣東北平地

案此下近刻衍泉字

東南逕安次

城東東南逕泉州縣故城西

案泉近刻訛作東

又南右合滹

沱河枯溝溝自安次西北東逕常道城東安次縣故

城西晉司空劉琨所守以拒石勒也又東南至泉州

縣西南東入八丈溝又南入巨馬河

案此二十字原本截上十六字

訛作經下四字仍屬注文近刻竝為注

亂流東注也

又東過勃海東平舒縣北東入于海

地理志曰涑水東南至容城入于河

案近刻訛作海

河即濡

水也

案此謂南濡

蓋互以明會矣巨馬水于平舒城北

案近

刻脫城字

南入于滹沱而同歸于海也

水經注卷十二

欽定四庫全書蒼要卷七千六百二十四

史部

水經注卷十三

後魏 酈道元 撰

灤水

灤水出鴈門陰館縣

案灤原本及近刻並訛作濕說文灤水出鴈門陰館累頭山東入海

力追切魏書作澠已訛舛若濕則不得讀力追切今從說文為正

東北過代郡桑乾縣

南

灤水出于累頭山一曰治水泉發于山側沿波歷澗

東北流出山逕陰館縣故城西縣故樓煩鄉也漢景

帝後三年置王莽更名富臧矣

案今本漢書作富代

魏皇興三

年

案皇興近刻訛作天安

齊平徙其民于縣立平齊郡灤水又

東北流左會桑乾水縣西北上平

案原本作上下從近刻

洪源

七輪謂之桑乾泉即潦涇水者也耆老云其水潛通

案近刻

脫通字承太原汾陽縣北燕京山之大池池在山原

之上世謂之天池方里餘

案此下近刻有其水二字

澄渟鏡淨潭

而不流

案近刻脫潭字

若安定朝那之秋淵也清水流潭皎

馬沖照池中嘗無斥草及其風籜

案斥太平御覽引作片籜近刻訛作

澤

有淪輒有小鳥翠色投淵銜出若會稽之耘鳥也

案耘近刻

其水陽燠不耗

案燠近刻訛作焯

陰霖不濫無能

訛作私

測其淵深也古老相傳言嘗有人乘車于池側忽過

大風飄之于水有人獲其輪于桑乾泉故知二水潛

流通注矣池東隔阜又有一石池方可五六十步

原案

本作五六里從近刻

清深鏡潔不異大池桑乾水自源東南流

右會馬邑川水水出馬邑西川俗謂之磨川矣蓋狄

語音訛

案音近刻
訛作言

馬磨聲相近故爾其水東逕馬邑

縣故城南干寶搜神記曰昔秦人築城于武州塞內

案州近刻

以備胡城將成而崩者數矣

案近刻
脫者字

有馬

訛作周

馳走一地

案近刻
脫馳字

周旋反覆父老異之因依以築城

城乃不崩遂名之為馬邑

案近刻脫
之為二字

或以為代之馬

城也諸記紛競未識所是漢以斯邑封韓王信後為

匈奴所圍信遂降之王莽更名之曰章昭其水東注

桑乾水

案注近刻
訛作流

桑乾水又東南流水南有故城東

北臨河又東南右合灤水亂流枝水南分

案水近刻
訛作之

桑乾水又東左合武州塞水

案州近刻
訛作周

水出故城東

南流出山逕日沒城南蓋夕陽西頽戎車所薄之城

故也

案近刻訛
作故城也

東有日中城

案東近刻
訛作紫

城東又有早

起城亦曰食時城在黃瓜阜北曲中其水又東流右

注桑乾水桑乾水又東南逕黃瓜阜曲西又屈逕其

堆南徐廣曰猗盧廢嫡子曰利孫于黃瓜堆者也又

東右合枝津枝津上承桑乾河東南流逕桑乾郡北

案近刻

脫乾字

大魏因水以立郡受厥稱焉又東北左合夏

屋山水水南出夏屋山之東溪西北流逕故城北所

未詳也又西北入桑乾枝水桑乾枝水又東流長津

委浪

案近刻
脫長字

通結兩湖東湖西浦淵潭相接水至清

深晨鳧夕鴈泛濫其上黛甲素鱗潛躍其下俯仰池

潭意深魚鳥所寡惟良木耳俗謂之南池池北對滄

陶縣之故城

案滄古汪字此
下近刻衍南字

故曰南池也南池水又

東北注桑乾水為灤水自下竝受通稱矣

案近刻脫
自下二字

灤水又東北逕石亭西

案石近刻
訛作魏

蓋皇魏天賜三年

之所經建也灤水又東北逕白狼堆南魏烈祖道武

皇帝於是遇白狼之瑞故斯阜納稱焉阜上有故宮

廟樓榭基雉尚崇每至鷹隼之秋羽獵之日肆閱清

野為升眺之逸地矣灤水又東流四十九里東逕巨

魏亭北又東崞川水注之

案近刻
脫水字

水南出崞縣故城

南

案崞下近
刻衍山字

王莽之崞張也縣南面玄岳右背崞山

處二山之中

案二近刻
訛作三

故以崞張為名矣其水又西

出山謂之崞口北流逕繁時縣故城東

案近刻
脫縣字

王莽

之當要也又北逕巨魏亭東

案近刻
脫東字

又北逕劇陽縣

故城西王莽之善陽也按十三州志曰在陰館縣東

北一百三里其水又東注于灤水灤水又東逕班氏

縣南如渾水注之水出涼城旋鴻縣西南五十餘里

東流逕故城南北俗謂之獨谷孤城水亦即名焉東

合旋鴻池水水出旋鴻縣東山水積成池

案積近
刻訛作

即北引魚水水出魚溪南流注池池水吐納川流以

成巨沼東西二里南北四里北對涼川城之南池

案涼

川城近刻訛

池方五十里俗名乞伏袁池

案近刻訛作河

雖

作涼州池

隔越山阜鳥道不遠雲霞之間常有

案此下有脫文

西南流

逕旋鴻縣南右合如渾水是總二水之名矣如渾水

又東南流逕永固縣

案永近刻訛作水

縣以太和中因山堂

之目以氏縣也右會羊水

案近刻訛作年水

水出平城縣之

西苑外武州塞北出東轉逕燕昌城南按燕書建興

十年慕容垂自河西還

案近刻垂訛作寶西訛作而

軍敗于參合

死者六萬人十一年垂衆北至參合見積骸如山設

祭帛之禮死者父兄皆號泣六軍哀慟

案近刻脫六軍二字

垂

慙憤嘔血因而寢疾焉輦過平城北四十里疾篤築

燕昌城而還即此城也北俗謂之老公城

案北上近刻衍故字

城下有也字

羊水又東注于如渾水亂流逕方山南

案近刻脫

此二字

嶺上有文明太皇太后陵陵之東北有高祖陵

二陵之南有永固堂堂之四周隅雉列榭階欄檻及

扉戶梁壁椽瓦悉文石也檐前四柱採洛陽之八風

谷黑石為之雕鏤隱起以金銀間雲矩有若錦焉堂

之內外四側結兩石趺

案近刻訛作扶

張青石屏風

案張近刻訛作

帳

以文石為緣竝隱起忠孝之容題刻貞順之名廟

前鐫石為碑獸碑石至佳左右列柏四周迷禽閣日

院外西側有思遠靈圖圖之西有齋堂南門表二石

闕闕下斬山累結御路下望靈泉宮池皎若圓鏡矣

案此下近刻有羊水又東注五字係衍文

如渾水又南至靈泉池枝津東

南注池池東西百步南北二百步池渚舊名白楊泉

泉上有白楊樹

案有近刻訛作出

因以名焉其猶長楊五柞

之流稱矣南面舊京北背方嶺左右山原

案近刻訛作源

亭

觀繡峙方湖反景若三山之倒水下如渾水又南逕北宮下舊宮人作薄所在如渾水又南分為二水一水西出南屈入北苑中歷諸池沼又南逕虎圈東魏太平真君五年成之以牢虎也季秋之月聖上親御圈上勅虎士効力于其下事同奔戎生制猛獸即詩所謂袒裼暴虎獻于公所也故魏有捍虎圖也又逕

平城西郭內魏太常七年所城也

案城近刻
訛作成

城周西

郭外有郊天壇壇之東側有郊天碑建興四年立其

水又南

案近刻訛
作水南又

屈逕平城縣故城南史記曰高帝

先至平城史記音義曰在鴈門即此縣矣王莽之平

順也魏天興二年遷都于此太和十六年破安昌諸

殿

案安昌上近刻
有太華二字

造太極殿東西堂及朝堂夾建象

魏乾元中陽端門東西二掖門雲龍神虎中華諸門

皆飾以觀閣東堂東接太和殿殿之東階下有一碑

太和中立石是洛陽八風谷之緇石也

案上石字近刻訛在之字

下

太和殿之東北

案太和二字近刻因與淇水互舛遂脫入淇水注內訛作太和泉源

水

接紫宮寺南對承賢門門南即皇信堂堂之四周

圖古聖忠臣烈士之容刊題其側是辯章郎彭城張

僧達樂安蔣少遊筆

案近刻訛作于

堂南對白臺臺甚高廣

臺基四周列壁閣道自內而升

案道近刻作路

國之圖錄秘

籍悉積其下臺西即朱明閣直侍之官出入所由也

案近刻

脫也字

其水夾御路南流逕蓬臺西魏神瑞三年又

建白樓

案又下近刻衍毀字

樓甚高竦加觀榭于其上表裏飾

以石粉皜曜建素赭白綺分故世謂之白樓也後置大鼓于其上晨昏伐以千椎為城里諸門啓閉之候謂之戒晨鼓也又南逕皇舅寺西是太師昌黎王馮

晉國所造

案近刻訛作太師黎昌恐晉國所造

有五層浮圖其神圖像

皆合青石為之加以金銀火齊衆綵之上煒煒有精

光又南逕永寧七級浮圖西

案永近刻訛作水

其制甚妙

案近

刻脫其字

工在寡雙又南遠出郊郭弱柳蔭街絲楊被浦

公私引裂用周圍溉

案近刻
作挽

長塘曲池所在布護故

不可得而論也一水南逕白登山西服虔曰白登臺
名也去平城七里如淳曰平城旁之高城若丘陵矣
今平城東十七里有臺即白登臺也臺南對岡阜即
白登山也故漢書稱上遂至平城上白登者也為匈
奴所圍處孫暢之述畫曰漢高祖被圍七日陳平使
能畫作美女送與冒頓闕氏恐冒頓勝漢其寵必衰
說冒頓解圍于此矣其水又逕寧先宮東獻文帝之

為太上皇所居故宮矣宮之東次下有兩石柱是石
虎鄴城東門石橋柱也按柱勒趙建武中造以其石
作工妙徙之于此余為尚書祠部與宜都王穆羆同
拜北郊親所經見柱側悉鏤雲矩上作蟠螭甚有形
勢信為工巧去子丹碑則遠矣

案則近刻
訛作側

其水又南

涇平城縣故城東司州代尹治皇都洛陽以為恒州
水左有大道壇廟始光二年少室道士寇謙之所議
建也兼諸嶽廟碑亦多所署立其廟階三成四周欄

檻上階之上以木為圓基令互相枝梧

案互近刻訛作干

以

版砌其上欄陛承阿上圓制如明堂而專室四戶室

內有神坐坐右列玉磬皇輿親降受籙靈壇號曰天

師宣揚道式暫重當時壇之東北舊有靜輪宮魏神

麋四年造抑亦柏梁之流也臺榭高廣

案近刻脫榭字

超出

雲間欲令上延霄客下絕囂浮太平真君十一年又

毀之物不停固白登亦繼禡矣水右有三層浮圖真

容鷲架悉結石也裝制麗質亦盡美善也東郭外太

和中閣人宕昌公鉗耳慶時

案慶近刻
訛作處

立祇洎舍于

東皋椽瓦梁棟臺壁櫺陸尊容聖像及牀坐軒帳悉
青石也圖制可觀所恨惟列壁合石疎而不密庭中
有祇洎碑碑題大篆非佳耳然京邑帝里佛法豐盛
神圖妙塔桀跣相望法輪東轉茲為上矣其水自北
苑南出歷京城內河干兩湄太和十年累石結岸夾
塘之上雜樹交蔭郭南結兩石橋橫水為梁又南逕
藉田及藥圃西明堂東明堂上圓下方四周十二堂

九室

案近刻訛作十二戶九堂

而不為重隅也室外柱內綺井之

下施機輪飾縹碧

案近刻脫碧字

仰象天狀畫北道之宿焉

蓋天也

案上洛陽八風谷之縑石也自石字起至此句天字止近刻訛在淇水注內右合泉源水

下原本不誤又此句朱謀璋云當作畫北辰列宿象蓋天也

每月隨斗所建之辰

轉應天道此之異古也加靈臺于其上下則引水為

辟雍水側結石為塘事準古制是太和中之所經建

也如渾水又南與武州川水會

案州近刻訛作周下同

水出縣

西南山下二源翼導俱發一山東北流合成一川北

流逕武州縣故城西王莽之桓州也又東北右合黃

水

案近刻訛作黃山水

水西出黃阜下東北流

案東近刻訛作重

聖山

之水注焉水出西山東流注于黃水黃水又東注武

州川

案州近刻訛作周

又東歷故亭北右合火山西溪水水

導源火山西北流山上有火井南北六七十步

案近刻訛

作六十

七步

廣減尺許源深不見底炎勢上升常若微雷

發響以草爨之則煙騰火發東方朔神異傳云南方有火山焉長四十里廣四五里其中皆生不燼之木

晝夜火燃驟雨猛風不滅火中有鼠重百斤毛長二

尺餘細如絲色白時時出外以水逐而沃之則死取

其毛績以為布謂之火浣布是山亦其類也但卉物

則不能然其山以火從地中出故亦名熒臺矣火井

東五六尺又東有湯井廣輪與火井相狀熱勢又同

案近刻訛作勢熱又同以草內之則不燃皆沾濡露結故俗以

湯井為目井東有火井祠案火近刻訛作文以時祀祭焉井

北百餘步有東西谷廣十許步南崖下有風穴案崖近刻

訛作岸

厥大容人其深不測而穴中肅肅常有微風雖

三伏盛暑猶須襲裘寒吹陵人不可暫停而其山出

雛烏形類雅烏純黑而姣好音與之同續采紺發紫

若丹砂性馴良而易附牝童幼子捕而執之

案此下近刻衍

曰赤紫烏亦曰阿雛烏按小爾雅

案近刻脫小字

純黑反哺

謂之慈烏小而腹下白不反哺者謂之雅烏白脰而

羣飛者

案脰近刻訛作頭下同

謂之燕烏大而白脰者謂之蒼

烏爾雅曰鶯斯卑居也孫炎曰

案炎近刻訛作爻

卑居楚烏

捷為舍人以為壁居

案近刻訛作壁屋

說文謂之雅雅楚烏

莊子曰雅賈矣馬融亦曰賈烏也

案近刻也上有者字

又按瑞

應圖有三足烏赤烏白烏之名而無記于此烏故書

其異耳自恒山已北並有此矣其水又東北流注武

州川水武州川水又東南流水側有石祇洹舍并諸

窟室比丘尼所居也其水又東轉逕靈巖南鑿石開

山因巖結構

案巖近刻作崖

真容巨壯世法所希

案近刻訛作締

山

堂水殿煙寺相望林淵錦鏡綴目新眺川水又東南

流出山魏土地記曰平城西三十里武州塞口者也

案城下近刻衍

宮字州訛作周

自山口枝渠東出入苑漑諸園池苑

有洛陽殿殿北有宮館一水自枝渠南流東南出火

山水注之水發火山東溪東北流出山山有石炭火

之熱同樵炭也又東注武州川逕平城縣南東流注

如渾水

案東字近刻
訛在南字上

又南流逕班氏縣故城東王莽

之班副也闕駟十三州志曰班氏縣在郡西南百里

北俗謂之去留城也如渾水又東南流注于灤水灤

水又東逕平邑縣故城南

案逕下近刻衍北字

趙獻侯十三年

城平邑地理志屬代王莽所謂平胡也十三州志曰

城在高柳南百八十里

案近刻脫百字

北俗謂之醜寅城灤

水又東逕沙陵南魏金田之地也事同曹武鄴中定

矣

案此語有脫誤裴松之注三國志引魏略云河北始開以王脩為司金中郎將續漢書百官志本注

云曹公始置司金中郎將利權悉歸于上矣

灤水又東逕狝氏縣故城北

王莽更名之曰狝聚也十三州志曰縣在高柳南百

三十里俗謂之苦力干城矣

案謂近刻訛作為

灤水又東逕

道人縣故城南地理志王莽之道仁也地理風俗記

曰初築此城有仙人遊其地故因以為城名矣今城

北有淵潭而不流

案近刻訛作注

故俗謂之為平湖也十三

州志曰道人城在高柳東北八十里所未詳也灤水

又東逕陽原縣故城南地理志代郡之屬縣也北俗

謂之比邠州城

案比近刻作北

灤水又東安陽水注之

案近刻脫

安字上行流又東三字

水出縣東北潭中

案潭近刻訛作澤

北俗謂之

太拔迴水自潭東南流注于灤水

案潭近刻訛作源

又東逕

東安陽縣故城北趙惠文王三年主父封長子章為

代安陽君

案近刻脫主父二字

此即章封邑王莽之竟安也

案竟

近刻訛作競

地理風俗記曰五原有西安陽故此加東也

灤水又東逕昌平縣溫水注之水出南墳下三源俱
導合而南流東北注灤水灤水又東逕昌平縣故城
北王莽之長昌也昔牽招為魏鮮卑校尉屯此灤水
又東北逕桑乾縣故城西又屈逕其城北王莽更名
之曰安德也魏土地記曰代城北九十里有桑乾城

城西渡桑乾水去城十里有温湯療疾有驗經言出

南非也蓋誤證矣魏任城王彰以建安二十三年伐

烏丸入涿郡逐北遂至桑乾

案近刻訛作遂北逐至桑乾

正于此

也

案正近刻訛作止

灤水又東流祁夷水注之水出平舒縣

東逕平舒縣之故城南澤中史記趙孝成王十九年

以汾門予燕易平舒徐廣曰平舒在代王莽更名之

曰平葆後漢世祖建武七年封揚武將軍馬成為侯

國

案揚近刻訛作陽

其水控引衆泉以成一川魏土地記曰

代城西九十里有平舒城西南五里代水所出東北
流言代水非也祁夷水又東北逕蘭亭南又東北逕
石門關北舊道出中山故關也又東北流水側有故
池按魏土地記曰代城西南三十里有代王魚池池
西北有代王臺東去代城四十里祁夷水又東北得
飛狐谷即廣野君所謂杜飛狐之口也蘇林據酈公
之說言在上黨即實非也如淳言在代是矣晉建興
中劉琨自代出飛狐口奔于安次即于此道也魏土

地記曰代城南四十里有飛狐關關水西北流逕南
舍亭西又逕句瑣亭西西北注祁夷水祁夷水又東
北流逕代城西盧植言初築此城板幹一夜自移于
此故代西南五十里大澤中營城自護結葦為九門
于是就以為治城圓而方周四十七里開九門
更名其故城曰東城趙滅代

案此下有脫文

漢封孝文為代

王梅福上事曰代谷者恒山在其南北塞在其北谷
中之地上谷在東代郡在西是其地也王莽更之曰

厭狄亭魏土地記曰城內有二泉一泉流出城西門

案泉近刻訛

作源下同

一泉流出城北門二泉皆北注代水祁

夷水又東北熱水注之水出綾羅澤澤際有熱水亭

其水東北流注祁夷水祁夷水又東北谷水注之水

出昌平縣故城南

案近刻脫水字

又東北入祁夷水祁夷水

右會逆水水導源將城東西北流逕將城北在代城

東北十五里疑即東代矣而尚傳將城之名盧植曰

此城方就而板幹自移應劭曰城徙西南去故代五

十里故名代曰東城或傳書倒錯情用疑焉而無以辨之逆水又西注于祁夷之水逆之為名以西流故也祁夷水東北逕青牛淵水自淵東注之者彥云

案彥

近刻訛作諤

有潛龍出于茲浦形類青牛焉故淵潭受名

矣潭深不測而水周多蓮藕生焉祁夷水又北逕一故城西西去代城五十里又疑是代之東城而非所詳也又逕昌平郡東魏太和中置西南去故城六十里又北連水入焉水出雒督縣東西北流逕雒督縣

故城南又西逕廣昌城南魏土地記曰代南二百里
有廣昌城南通大嶺即實非也十三州記曰平舒城
東九十里有廣平城疑是城也尋其名狀忖理為非
又西逕王莽城南又西到刺山水注之水出到刺山
西山甚層峻未有升其巔者案巔近刻
訛作嶺魏土地記曰
代城東五十里有到刺山山上有佳大黃也其水北
流逕一故亭東城北有石人故世謂之石人城西北
注連水連水又北逕當城縣故城西高祖十二年周

勃定代斬陳豨于當城即此處也應劭曰當桓都山

作城故曰當城也又逕故代東而西北流注祁夷水

祁夷水西有隨山山上有神廟謂之女郎祠方俗所

祠也祁夷水又北逕桑乾故城東而北流注于灤水

地理志曰祁夷水出平舒縣北至桑乾入灤是也灤

水又東北逕石山水口水出南山北流逕空侯城東

魏土地記曰代城東北九十里有空侯城者也

案近刻脫

者其水又東北流注灤水灤水又東逕潘縣故城北

案近刻訛作
逕潘城縣北

東合協陽關水水出協溪魏土地記曰

下洛城西南九十里有協陽關關道西通代郡其水
東北流歷笄頭山關駟曰笄頭山在潘城南即是山
也又北逕潘縣故城左會潘泉故瀆瀆舊上承潘泉
于潘城中或云舜所都也魏土地記曰下洛城西南
四十里有潘城城西北三里有歷山山上有虞舜廟
十三州記曰廣平城東北百一十里有潘縣地理志
曰王莽更名樹武其泉從廣十數步東出城注協陽

關水雨盛則通注陽旱則不流惟泝泉而已關水又東北流注于灤水灤水又東逕雍洛城南魏土地記曰下洛城西南二十里

案西南近刻訛作西

有雍洛城桑乾

水在城南東流者也灤水又東逕下洛縣故城南王莽之下忠也魏燕州廣甯縣廣甯郡治魏土地記曰去平城五十里城南二百步有堯廟灤水又東逕高

邑亭北

案近刻脫此七字

又東逕三臺北灤水又東逕無鄉

城北地理風俗記曰燕語呼毛為無

案毛近刻訛作亡

今改

宜鄉也灤水又東

案此下近刻衍逕字

溫泉水注之水上承溫

泉于橋山下魏土地記曰下洛城東南四十里有橋

山山下有溫泉

案近刻脫一山字

泉上有祭堂雕簷華宇被

于浦上石池吐泉湯湯其下炎涼代序是水灼焉無

改能治百疾是使赴者若流池水北流入于灤水灤

水又東左得于延水口水出塞外柔玄鎮西長川城

南小山

案柔近刻訛作子

山海經曰梁渠之山無草木多金

玉脩水出焉東南流逕且如縣故城南應劭曰當城

西北四十里有且如城故縣也代稱不拘名號變改
按其城郭相去遠矣地理志曰中部都尉治于延水
出縣北塞外即脩水也脩水又東南逕馬城縣故城
北地理志曰東部都尉治十三州志曰馬城在高柳
東二百四十里俗謂是水為河頭河頭出戎方土俗
變名耳又東逕零丁城南右合延鄉水水出縣西山
東逕延陵縣故城北地理風俗記曰當城西北有延
陵鄉故縣也俗指為琦城

案近刻訛作舊指謂之琦城川

又東逕羅

亭又東逕馬城南

案近刻訛作北

又東注脩水又東南于大

甯郡北右注鴈門水山海經曰鴈門之水出于鴈門

之山鴈出其門

案近刻訛作間

在高柳北高柳在代中其山

重巒疊巘霞舉雲高連山隱隱東出遼塞其水東南

流逕高柳縣故城北舊代郡治秦始皇二十三年虜

趙王遷以國為郡王莽之所謂厭狄也建武十九年

世祖封代相堪為侯國昔牽招斬韓忠于此處城在

平城東南六七十里于代為西北也鴈門水又東南

流屈逕一故城背山面澤北俗謂之叱險城鴈門水
又東南流屈而東北積而為潭其陂斜長而不方東
北可二十餘里廣十五里蒹葭藂生焉敦水注之其

水道源西北少咸山之南麓

案近刻其訛作導
山字訛在之字下

東流

逕參合縣故城南地理風俗記曰道人城北五十里
有參合鄉故縣也敦水又東

案近刻訛
作東又

澁水注之水

出東阜下西北流逕故城北俗謂之和堆城又北合
敦水亂流東北注鴈門水故山海經曰少咸之山敦

水出焉東流注于鴈門之水郭景純曰水出鴈門山
謂斯水也鴈門水又東北入陽門山謂之陽門水與
神泉水合

案近刻脫此二字

水出葦壁北水有靈焉及其密

雲不雨陽旱愆期多禱請焉水有二流世謂之比連
泉一水東北逕一故城東世謂之石虎城而東北流
注陽門水又東逕三會亭北又東逕西甸道城北又
東託台谷水注之水上承神泉于葦壁北東逕陽門
山南託台谷謂之託台水汲引泉溪渾濤東注

案近刻渾

訛作澤又
重一澤字

行者間十餘渡東逕三會城南又東逕託

台亭北又東北逕馬頭亭北東北注鴈門水鴈門水

又東逕大甯郡北魏太和中置有脩水注之即山海

經所謂脩水東流注于鴈門水也地理志有于延水

而無鴈門脩水之名山海經有鴈門之目而無說于

延河

案無近刻
訛作燕

自下亦通謂之于延水矣水側有桑

林故時人亦謂是水為蒙桑河也斯乃北土寡桑至

此見之因以名焉于延水又東逕岡城南按史記蔡

澤燕人也謝病歸相秦號岡成君疑即澤所邑也世名武岡城于延水又東左與寧川水合水出西北東南流逕小甯縣故城西東南流注于延水于延水又

東

案近刻脫此十九字

逕小甯縣故城南地理志寧縣也西部

都尉治王莽之博康也魏土地記曰大甯城西二十里有小甯城昔邑人班丘仲居水側賣藥于甯百餘年人以為壽後地動宅壞仲與里中數十家皆死民人取仲尸棄于延水中收其藥賣之仲被裘從而詰

之此人失怖

案此近刻
訛作北

叩頭求哀仲曰不恨汝故使

人知我耳去矣後為夫餘王驛使來甯

案來近刻
訛作永

此

方人謂之謫仙也

案此近刻
訛作北

于延水又東黑城川水

注之水有三源出黑土城西北竒源合注總為一川

東南逕黑土城西又東南流逕大甯縣西而南入延

河延河又東逕大甯縣故城南地理志云廣寧也王

莽曰廣康矣魏土地記曰下洛城西北百三十里

案近

刻脫
城字

有大甯城于延水又東南逕茹縣故城北王莽

之穀武也世謂之如口城魏土地記曰城在鳴雞山
西十里南通大道西達寧川于延水又東南逕鳴雞
山西魏土地記曰下洛城東北三十里有延河東流
北有鳴雞山史記曰趙襄子殺代王于夏屋而并其
土襄子迎其姊于代其姊代之夫人也至此曰代已
亡矣吾將何歸乎遂磨笄于山而自殺代人憐之為
立祠焉因名其山為磨笄山

案其山近
刻脫山字

每夜有野雞

羣鳴于祠屋上故亦謂之為鳴雞山魏土地記云代

城東南二十五里有馬頭山其側有鍾乳穴趙襄子
既害代王迎姊姊代夫人夫人曰以弟慢夫非仁也
以夫怨弟非義也磨笄自刺而死使者自殺民憐之
為立神屋于山側因名之為磨笄之山未詳孰是于

延水又南逕且居縣故城南王莽之所謂久居也

案近

刻脫所
謂二字

其水東南流注于灤水地理志曰于延水東

至廣寧入沽

案沽原本及近刻竝訛
作治今據漢書改正

非矣

又東過涿鹿縣北

涿水出涿鹿山世謂之張公泉東北流逕涿鹿縣故

城南王莽所謂栝陸也

案栝近刻訛作襍

黃帝與蚩尤戰于

涿鹿之野留其民于涿鹿之阿

案阿近刻訛作河

即于是也

案近刻作是處也

其水又東北與阪泉合水導源縣之東泉

魏土地記曰下洛城東南六十里有涿鹿城城東一

里有阪泉泉上有黃帝祠晉太康地理記曰阪泉亦

地名也泉水東北流與蚩尤泉會水出蚩尤城城無

東面魏土地記稱涿鹿城東南六里有蚩尤城泉水

淵而不流霖雨併則流注阪泉亂流東北入涿水涿水又東逕平原郡南魏徙平原之民置此故立僑郡

以統流雜

案近刻訛作雜

涿水又東北逕祚亭北而東北入

灤水亦云涿水枝分入匈奴者謂之涿邪水

案近刻脫水字

地理潛顯難以究昭非所知也灤水又東南左會清

夷水亦謂之滄河也水出長亭南西逕北城村故城

北又西北平鄉川水注之水出平鄉亭西西北流注

清夷水清夷水又西北逕陰莫亭在居庸縣南十里

清夷水又西會牧牛山水

案近刻脫水字

魏土地記曰沮陽

城東八十里有牧牛山下有九十九泉即滄河之上

源也山在縣東北三十里山上有道武皇帝廟耆舊

云山下亦有百泉競發有一神牛駁身自山而降下

飲泉竭故山得其名今山下導九十九泉積以成川

西南流谷水與浮圖溝水注之水出夷輿縣故城西

南王莽以為朔調亭也其水俱西南流注于滄水滄

水又西南右合地裂溝古老云晉世地裂分此界間

成溝壑有小水俗謂之分界水南流入滄河滄河又西逕居庸縣故城南魏上谷郡治昔劉虞攻公孫瓚不克北保此城為瓚所擒有粟水入焉水出縣下城

西枕水又屈逕其縣南南注滄河滄河又西右與陽

溝水合

案右與近刻訛作與右

水出縣東北西南流逕居庸縣

故城北

案近刻脫故字

西逕大翻小翻山南高巒截雲層陵

斷霧雙阜共秀競舉羣峰之上郡人王次仲少有異志年及弱冠變蒼頡舊文為今隸書秦始皇時官務

煩多以次仲所易文簡便于事要奇而名之三徵而
輒不至次仲履真懷道窮數術之美始皇怒其不恭
令檻車送之次仲首發于道化為大鳥出在車外翻
飛而去落二翮于斯山故其峯巒有大翮小翮之名
矣魏土地記曰沮陽城東北六十里有大翮小翮山
山上神名大翮神山屋東有温湯水口其山在縣西
北二十里峯舉四十里上廟則次仲廟也右出温湯
療治萬病泉所發之麓俗謂之土亭山此水炎熱倍

甚諸湯下足便爛人體療疾者要須別引消息用之
耳不得言大翻山東其水東南流左會陽溝水亂流
南注滄河滄河又左得清夷水口魏土地記曰牧牛
泉西流與清夷水合者也自下二水互受通稱矣清
夷水又西靈亭水注之

案亭下近刻衍城字

水出馬蘭西澤中

衆泉瀉溜歸于澤澤水所鍾以成溝瀆瀆水又左與

馬蘭溪水會水導源馬蘭城

案近刻脫源字

城北負山勢因

阿仍溪民居所給惟仗此水南流出城東南入澤水

澤水又南逕靈亭北又屈逕靈亭東次仲落烏翮于

此

案落字近刻訛在次仲上

故是亭有靈亭之稱矣其水又南流

注于清夷水清夷水又西與泉溝水會

案與近刻訛作得

水

導源川南平地北注清夷水清夷水又西南得桓公

泉蓋齊桓公霸世北伐山戎過孤竹西征東馬懸車

上卑耳之西極故水受斯名也水源出沮陽縣東而

西北流入清夷水清夷水又西逕沮陽縣故城北秦

上谷郡治此

案秦字下近刻衍始皇字

王莽改郡曰朔調縣曰沮

陰闕駟曰涿鹿東北至上谷城六十里魏土地記曰
城北有清夷水西流也其水又屈逕其城西南流注
于灤水灤水南至馬陘山謂之落馬洪

案近刻
訛作河

又東南出山

灤水又南出山

案出近刻
訛作入

瀑布飛梁懸河注壑瀟湍

十許丈謂之落馬洪抑亦孟門之流也灤水自南出
山謂之清泉河俗亦謂之曰千水非也灤水又東南
逕良鄉縣之北界歷梁山南高粱水出焉

過廣陽薊縣北

灤水又東逕廣陽縣故城北謝承後漢書曰世祖與
鉞期出薊至廣陽欲南行即此城也謂之小廣陽灤
水又東北逕薊縣故城南魏土地記曰薊城南七里
有清泉河而不逕其北蓋經誤證矣昔周武王封堯
後于薊今城內西北隅有薊丘因丘以名邑也猶魯
之曲阜齊之營丘矣武王封召公之故國也秦始皇
二十三年滅燕以為廣陽郡漢高帝以封盧綰為燕

王更名燕國

案近刻
脫名字

王莽改曰廣有

案近刻
訛作公

縣曰代

戎

案近刻
訛作成

城有萬載宮光明殿東掖門下舊慕容儁

立銅馬像處昔慕容廆有駿馬赭白有奇相逸力至

儁光壽元年齒四十九矣

案近刻
脫齒字

而駿逸不虧儁奇

之比鮑氏驄命鑄銅以圖其像親為銘讚鐫頌其傍

像成而馬死矣大城東門內道左有魏征北將軍建

成鄉景侯劉靖碑

案近刻北訛作
南成訛作城

晉司隸校尉王密

表靖功加于民

案近刻
脫靖字

宜在祀典以元康四年九月

二十日刊石建碑

案康近刻
訛作嘉

揚于後葉矣灤水又東

與洗馬溝水合水上承薊水西注大湖湖有二源水

俱出縣西北平地導源流結西湖湖東西二里南北

三里蓋燕之舊池也綠水澄澹川亭望遠亦為遊矚

之勝所也湖水東流為洗馬溝側城南門東注

案近
刻訛

作南東
門注

昔銚期奮戟處也其水又東入灤水灤水又

東逕燕王陵南陵有伏道西北出薊城中景明中造

浮圖建刹窮泉掘得此道王府所禁莫有尋者通城

西北大陵而是二墳基址磐固

案近刻脫墳字磐訛作盤

猶自高

壯竟不知何王陵也灤水又東南高粱之水注焉水

出薊城西北平地泉流東注

案近刻脫流字

逕燕王陵北又

東逕薊城北又東南流魏土地記曰薊東十里有高粱之水者也其水又東南入灤水

又東至漁陽雍奴縣西入筍溝

漢光武建武二年封潁川太守寇恂為雍奴侯魏遣張郃樂進圍雍奴即此城矣筍溝潞水之別名也

案近

刻脫
潞字

魏土地記曰清泉河上承桑乾河東流與潞河
合灤水東入漁陽所在枝分故俗諺云高粱無上源
清泉無下尾蓋以高粱微涓淺薄裁足津通憑藉涓
流方成川圳清泉至潞所在枝分更為微津散漫難
尋故也

水經注卷十三

總校官庶吉士
臣張能照
校對官庶吉士
臣嚴福
謄錄監生
臣朱溥

總校官庶吉士 臣張能照

校對官庶吉士 臣嚴福

謄錄監生 臣朱溥

欽定四庫全書薈要

史部

水經注卷十五

詳校官編修巨繆晉



欽定四庫全書薈要卷七千六百二十五

史部

水經注卷十四

後魏 酈道元 撰

濕餘水 沽河 鮑丘水 濡水

大遼水 小遼水 涿水

濕餘水出上谷居庸關東

案漢書地理志上谷郡軍都濕餘水東至路南入沽元史

秦定三年温榆水溢昌平平山水記云温榆河即昌平之榆河遼史作温渝本水經注之濕餘水以字相似而訛也今考温與濕並灤之訛後漢書王霸傳云可從温水漕温水乃灤水唐韋挺運米至盧思臺方知渠閉則久

壞不脩耳霸所潛者溫水非溫餘水也李賢注引溫餘釋之疎矣灤水有說文為顯證而溫餘見漢書濕餘見水經承訛已久今姑仍之

關在沮陽城東南六十里居庸界故關名矣更始使

者入上谷

案近刻脫更始二字

耿況迎之于居庸關即是關也

其水導源關山南流歷故關下溪之東岸有石室三層其戶牖扇扉悉石也蓋故關之候臺矣南則絕谷

累石為關垣

案近刻訛作址

崇墉峻壁非輕功可舉山岫層

深側道褊狹林鄣邃險

案邃近刻訛作據

路才容軌曉禽暮

獸寒鳴相和羈官遊子聆之者莫不傷思矣其水歷

山南逕軍都縣界又謂之軍都關續漢書曰尚書盧

植隱上谷軍都山是也

案近刻脫是字

其水南流出關謂之

下口水流潛伏十許里也

案近刻也上行是字

東流過軍都縣南

案東流上行近刻行又字

又東流過薊縣北

濕餘水故瀆東逕軍都縣故城南又東重源潛發積而為潭謂之濕餘潭又東流易荆水注之其水導源

西北千蓼泉

案近刻北下行逕字

亦曰丁蓼水東南流逕郁山

西謂之易荆水公孫瓚之敗于鮑丘也走保易荆疑

阻此水也

案瓚走保易京在今雄縣界非易荆水也此誤引

易荆水又東左

合虎眼泉水出平川東南流入易荆水又東南與孤

山之水合水發川左導源孤山東南流入易荆水謂

之塔界水又東逕薊城又東逕昌平縣故城南

案昌平近

刻訛作平昌

又謂之昌平水魏土地記曰薊城東北百四

十里有昌平城城西有昌平河又東流注濕餘水

案流

近刻訛作北

濕餘水又東南流左合芹城水

案合近刻訛作右

水

出北山南逕芹城

案此下近刻有又字

東南流注濕餘水濕餘

水又東南流逕安樂故城西更始使謁者韓鴻北徇承制拜吳漢為安樂令即此城也

又北屈東南至狐奴縣西入于沽河

昔彭寵使狐奴令王梁南助光武起兵自是縣矣濕餘水于縣西南東入沽河故地理志曰濕餘水自軍

都縣東至潞南入沽是也

案潞今漢書作路

沽河從塞外來

沽河出禦夷鎮西北九十里丹花嶺下東南流大谷

水注之水發鎮北大谷溪西南流逕獨石北界石孤

生不因阿而自峙

案阿近刻
訛作河

又南九源水注之

案源近刻

訛作泉

水道北川左右翼注八川共成一水

案八近刻
訛作入

故有九源之稱其水南流至獨石注大谷水大谷水

又南逕獨石西又南逕禦夷鎮城西魏太和中置以

捍北狄也又東南尖谷水注之水源出鎮城東北尖

溪西南流逕鎮城東西南流注大谷水亂流南注沽

水又南出峽夾岸有二城

案近刻脫夾字

世謂之獨固門以

其藉險憑固易為依据

案据據古字通

巖壁升聳

案巖近刻訛作兼

疎通若門故得是名也沽水又南左合乾溪水引北

川西南逕一故亭東又西南注沽水沽水又西南逕

赤城東趙建武年并州刺史王霸為燕所敗退保此

城城在山阜之上下枕深隍

案枕近刻訛作抗

溪水之名藉

以變稱故河有赤城之號矣沽水又東南與鵲谷水

合水有二源南即陽樂水也

案濡水注內又別有陽樂水此水漢志作樂陽

水

出且居縣地理志曰水出縣東南流逕大翻山小

翻山北

案東南流近刻作東北流

歷女祁縣故城南地理志曰東

部都尉治王莽之祁縣也世謂之橫水又謂之陽田

河

案田近刻訛作曲

又東南逕一故亭又東左與候鹵水合

案候近刻訛作舊下同

水出西北山東南流逕候鹵城北城在

居庸縣西北二百里故名云候鹵太和中更名禦夷

鎮又東南流注陽樂水陽樂水又東南傍狼山南

案傍

字上近刻

山石白色特上

案近刻脫白字

亭亭孤立超出羣

行逕字

山之表又東南逕溫泉東泉在山曲之中又逕赤城
西屈逕其城南東南入赤城河河水又東南右合高
峯水水出高峯戍東南城在山上其水西南流又屈
而東南入沽水沽水又西南流出山逕漁陽縣故城
西而南合七度水水出北山黃頌谷故亦謂之黃頌
水東南流注于沽水沽水又南漁水注之水出縣東
南平地泉流西逕漁陽縣故城南應劭曰在漁水之

陽也

案近刻脫此九字

考諸地說則無聞

案此下近刻行所識釋三字

脈

水尋川則有自

案近刻訛作考地尋川則有應氏自

今城在斯水之陽

有符應說漁陽之名當屬此秦發閭左戍漁陽即是

城也漁水又西南入沽水

案漁水近刻訛作漁陽

沽水又南與

螺山之水合水出漁陽城南小山魏土地記曰城南

五里有螺山其水西南入沽水沽水又南逕安樂縣

故城東晉書地道記曰晉封劉禪為公國俗謂之西

潞水也

南過漁陽狐奴縣北西南與濕餘水合為潞河

案潞近刻訛作

沽

沽水西南流逕狐奴山西又南逕狐奴縣故城西漁
陽太守張堪于縣開稻田教民種植百姓得以殷富
童謠歌曰桑無附枝麥秀兩歧張君為政樂不可支
視事八年匈奴不敢犯塞沽水又南陽重溝水注之
水出狐奴山南轉逕狐奴城西

案近刻
訛作南

王莽之所謂

舉符也側城南注右會沽水沽水又南濕餘水注之
沽水又南左會鮑丘水世所謂東潞也沽水又南逕

潞縣為潞河

案近刻訛作為潞名潞河也

魏土地記曰城西三十

里有潞河是也

案近刻脫是字

又東南至雍奴縣西為笥溝

案近刻脫為字

灤水入焉俗謂之合口也又東鮑丘水于縣西北而

東出

案近刻出下有焉字衍

又東南至泉州縣與清河合東入于海清河者派河尾也

沽河又東南逕泉州縣故城東王莽之泉調也沽水

又東南合清河今無水清淇漳洹滏易涑濡沽滹沱

同歸于海

案淇近刻
訛作湛

故經曰派河尾也

鮑丘水從塞外來南過漁陽縣東

鮑丘水出禦夷北塞中南流逕九莊嶺東俗謂之大

榆河又南逕鎮東南九十里西密雲戍西又南左合

道人溪水水出北川

案近刻
脫出字

南流逕孔山西又歷密

雲戍東左合孟廣峒水水出峒下峒甚層峻峨峨冠

衆山之表其水西逕孔山南上有洞穴開明故土俗

以孔山流稱峴水又西南至密雲戍東西注道人水

亂流西南逕密雲戍城南

案近刻脫西南二字

右會大榆河有

東密雲故是城言西矣大榆河又東南流白楊泉水

注之北發白楊溪望離右注大榆河

案望離與下自坎相對舉近刻

訛作望雖

又東南龍芻溪水自坎注之

案坎近刻訛作決

大榆河

又東南出峽

案近刻脫出字

逕安州舊漁陽郡之滑鹽縣南

左合縣之北溪水水出縣北廣長塹南太和中掘此

以防北狄其水南流逕滑鹽縣故城東王莽更名匡

德也漢明帝改曰鹽田右承治世謂之斛鹽城西北

去禦夷鎮二百里南注鮑丘水又南逕僂奚縣故城

東

案奚近刻
訛作溪

王莽更之曰敦德也鮑丘水又西南逕

獷平縣故城東王莽之所謂平獷也又南合三城水

水出曰里山

案白近
刻作四

西逕三城

案近刻作平獷
城蓋後人所改

謂之

三城水又逕香陁山山上悉生豪本香世故名焉又

西逕石窟南窟內寬廣行者依焉窟內有水淵而不

流栖薄者取給焉又西北逕伏凌山南

案凌近刻
訛作凌

與

石門水合水出伏凌山山高峻巖郭寒深陰崖積雪
凝冰夏結事同離騷峨峨之詠故世人因以名山也

一水西南流注之

案近刻
脫一字

是水有桑谷之名蓋沿出

桑溪故也又西南逕獮平城東南而右注鮑丘水鮑

丘水又東南逕漁陽縣故城南漁陽郡治也

案近刻
脫縣故

城南漁
陽六字

秦始皇二十二年置王莽更名通路縣曰得

漁鮑丘水又西南流公孫瓚既害劉虞烏丸思劉氏
之德迎其子和合衆十萬破瓚于是水之上斬首一

萬鮑丘水又西南歷狐奴城東又西南流注于沽河
亂流而南

又南過潞縣西

鮑丘水入潞通得潞河之稱矣

案潞河近刻
訛作鮑丘

高粱水

注之水首受灤水于戾陵堰水北有梁山山有燕刺
王旦之陵故以戾陵名堰水自堰枝分東逕梁山南
又東北逕劉靖碑北其詞云魏使持節都督河北道

諸軍事征北將軍建城鄉侯沛國劉靖字文恭登梁

山以觀源流相灑水以度形勢

案灑近刻訛
作灑脫水字

嘉武安

之通渠羨秦民之殷富

案羨近刻
訛作美

乃使帳下丁鴻督

軍士千人

案督字近刻
訛在丁鴻上

以嘉平二年立遏于水

案遏
即竭

導高梁河造戾陵遏開車箱渠其遏表云高梁河水

者出自并州潞河之別源也

案近刻潞訛作
黃也訛作時

長岸峻

固直截中流積石籠以為主遏高一丈東西長三十

丈南北廣七十餘步依北岸立水門門廣四丈立水

十丈山水暴發

案近刻訛作
山川暴戾

則乘遏東下平流守常

則自門北入灌田歲二千頃凡所封地百餘萬畝至
景元三年辛酉詔書以民食轉廣陸廢不贍遣謁者
樊晨更制水門限田千頃刻地四千三百一十六頃
出給郡縣改定田五千九百三十頃水流乘車箱渠
自薊西北逕昌平東盡漁陽潞縣凡所潤舍案近刻
作舍
四五百里所灌田萬有餘頃高下孔齊案近刻
訛作濟原隰
底平疏之斯既決之斯散導渠口以為濤門灑滌池
以為甘澤施加于當時敷被于後世晉元康四年君

少子驍騎將軍平鄉侯弘受命使持節監幽州諸軍事領護烏丸校尉寧朔將軍遏立積三十六載至五年夏六月洪水暴出毀損四分之三剩北岸七十餘丈上渠車箱所在漫溢追惟前立遏之勳親臨山川指授規略命司馬關內侯逢惲內外將士二千人起長岸立石渠脩主遏

案主近刻訛作立

治水門門廣四丈立

水五尺興復載利通塞之宜準遵舊制凡用功四萬有餘焉諸部王侯不召而自至繹負而事者蓋數千

人詩載經始勿亟易稱民忘其勞斯之謂乎于是二
府文武之士感秦國思鄭渠之績魏人置豹祀之義
乃遐慕仁政追述成功元康五年十月十一日刊石
立表以紀勲烈并記遏制度永為後式焉事見其碑
辭又東南流逕薊縣北案近刻又東至潞縣注于鮑
丘水又南逕潞縣故城西王莽之通潞亭也漢光武
遣吳漢耿弇等破銅馬五幡于潞東謂是縣也屈而
東南流逕潞城南世祖拜彭寵為漁陽太守治此寵

脫逕字

又東至潞縣注于鮑

叛光武遣游擊將軍鄧隆伐之軍于是水之南光武策其必敗果為寵所破遺壁故壘存焉鮑丘水又東南入夏澤澤南紆曲渚十餘里北佩謙澤眇望無垠

也

案垠近刻訛作限

又南至雍奴縣北屈東入于海

鮑丘水自雍奴縣故城西北舊分筍溝水東出今筍

溝水斷

案今近刻訛作合脫水字

衆川東注混同一瀆東逕其縣

北又東與洵河合水出右北平無終縣西山白楊谷

西北流逕平谷縣屈西南流獨樂水入焉水出北抱犢固南逕平谷縣故城東後漢建武元年光武遣十二將追大槍五幡及平谷大破之于是縣也其水南流入于洵洵水又左合盤山水水出山上其山峻險人跡罕交去山三十許里望山上水可高二十餘里素湍皓然頽波歷溪沿流而下自西北轉注于洵水洵水又東南逕平谷縣故城東南與洳河會水出北山山在僂奚縣故城東南東南流逕博陸故城北又

屈逕其城東世謂之平陸城非也漢武帝璽書封大
司馬霍光為侯國文穎曰博大陸平取其嘉名而無
其縣食邑北海河東薛瓚曰按漁陽有博陸城謂此
也今城在且居山之陽

案近刻訛作今
其居山之陽

處平陸之上

而帶川流面據四水文氏所謂無縣目

案近一
訛作有

嘉美

名也洳水又東南流逕平谷縣故城西而東南流注

于洵河

案洵河上近
刻衍渠字

洵河又南逕絛城東而南合五

百溝水水出七山北東逕平谷縣之絛城南東入于

洵河洵河又東南逕臨洵城北

案洵近刻訛作河

屈而歷其

城東側城南出竹書紀年梁惠成王十六年齊師及

燕戰于洵水齊師遁即是水也洵水又南入鮑丘水

鮑丘水又東合泉州渠口故瀆上承滹沱水于泉州

縣

案滹沱原本及近刻竝訛作宰池考淇水注云清河至泉州縣北入滹沱又東泉州渠出焉即此今

改故以泉州為名北逕泉州縣東又北逕雍奴縣東

西去雍奴故城百二十里自滹沱北入其下歷水澤

百八十里入鮑丘河謂之泉州口陳壽魏志曰曹太

祖以蹋頓擾邊將征之

案將字上近刻衍公字

從洵口鑿渠逕

雍奴泉州以通河海者也今無水鮑丘水又東庚水

注之

案庚原本及近刻竝訛作庚下同考漢志右北平無終漚水西至雍奴入海俊靡漚水南至無

終東入庚顏師古云漚音庚即下所云入庚者同一水也可證庚乃庚之訛今改正 水出右北

平徐無縣北塞中而南流歷徐無山得黑牛谷水又

得沙谷水並西出山東流注庚水昔田子泰避難居

之

案子泰近刻訛作于泰

衆至五千家開山圖曰山出不灰之

木生火之石按注云其木色黑似炭而無葉有石赤

色如丹以二石相磨

案二近刻訛作一

則火發以然無灰之

水可以終身今則無之其水又逕徐無縣故城東王莽之北順亭也魏土地記曰右北平城東北百一十里有徐無城其水又西南與周盧溪水合水出徐無山東南流注庚水庚水又西南流澠水注之水出右北平俊靡縣王莽之俊麻也東南流

案近刻脫此三字

世謂

之車輦水又東南流與溫泉水合水出北山溫溪

案近

刻脫溫字

即溫源也養疾者不能漂其炎漂以其過灼故

也

案近刻魏土地記曰徐無城東有温湯即此也其

脫也字

水南流百步便伏流入于地下水盛則通注澗水又

東南逕石門峽山高嶄絕

案山下近刻行之字

壁立洞開俗謂

之石門口漢中平四年漁陽張純反殺右北平太守

劉政遼東太守陽紘中平五年詔中郎將孟益

案近刻詔

訛作與益訛作溢

率公孫瓚討純戰于石門大破之澗水又

東南流謂之北黃水又屈而為南黃水又西南逕無終山即帛仲理所合神丹處也又于是山作金五千

斤以救百姓山有陽翁伯玉田在縣西北有陽公壇
社即陽公之故居也搜神記曰雍伯洛陽人至性篤
孝父母終歿葬之于無終山山高八十里而上無水
雍伯置飲焉有人就飲與石一斗令種之玉生其田
北平徐氏有女雍伯求之要以白璧一雙媒者致命
伯至玉田求得五雙徐氏妻之遂即家焉陽氏譜叙
言翁伯是周景王之孫食采陽樊春秋之末爰宅無
終因陽樊而易氏焉愛人博施天祚玉田其碑文云

居于縣北六十里翁同之山後潞徙于西山之下陽
公又遷居焉而受玉田之賜情不好寶玉田自去今
猶謂之為玉田陽干寶曰于種石處四角作大石柱
各一丈中央一頃之地名曰玉田至今相傳云玉田
之揭起于此矣而今不知所在同于譜叙自去文矣

案于近刻訛作之又玉田自去見碑
文此言譜叙者或碑文即譜叙所引

藍水注之水出

北山東流屈而南

案近刻作東
屈而南流

逕無終縣故城東故

城無終子國也春秋襄公四年

案近刻訛
作十四年

無終子嘉

父使孟樂如晉因魏絳納虎豹之皮請和諸戎是也

故燕地矣秦始皇二十二年滅燕置右北平郡治此

王莽之所謂北順也漢世李廣為郡出遇伏石謂虎

也射之飲羽即此處矣魏土地記曰右北平城西北

百三十里有無終城其水又南入灑水灑水又西南

入于庚水地理志曰灑水出倭靡縣南至無終東入

庚水庚水世亦謂之為柘水也南逕燕山下

案近刻
訛作上

懸巖之側有石鼓去地百餘丈望若數百石困有石

梁貫之鼓之東南有石援桴狀同擊勢者舊言燕山
石鼓鳴則土有兵庚水又南逕北平城西而南入鮑
丘水謂之柘口鮑丘水又東逕右北平郡故城南魏
土地記曰薊城東北三百里有右北平城鮑丘水又
東巨梁水注之水出土垠縣北陳宮山西南流逕觀
雞山謂之觀雞水水東有觀雞寺寺內起大堂

案起近刻

訛作有

甚高廣可容千僧下悉結石為之上加塗墍基

內疎通枝經脈散基側室外四出爨火炎勢內流一

堂盡溫蓋以此土寒嚴霜氣肅猛出家沙門率皆貧
薄施主慮闕道業故崇斯構是以志道者多栖託焉
其水又西南流右合區落水水出縣北山東南流入

巨梁水巨梁水又南

案近刻
訛作西

逕土垠縣故城西左會

寒渡水水出縣東北西南流至縣右注梁河梁河又
南澗于水注之水出東北山西南流逕土垠縣故城
東西南流入巨梁水巨梁水又東南右合五里水水
發北平城東北五里山故世以五里名溝一名田繼

泉西流南屈逕北平城東東南流注巨梁河亂流入

于鮑丘水

案此下近刻有巨梁二字行

自是水之南南極滹沱

案近

刻脫一南字

西至泉州雍奴東極于海謂之雍奴藪其澤

野有九十九淀枝流條分

案近刻訛作技流條右

往往逕通非

惟梁河鮑丘歸海者也

濡水從塞外來東南過遼西今支縣北

濡水出禦夷鎮東南其水二源雙引夾山西北流出

山合成一川

案濡水即今灤河源出巴延屯圖古爾山名都爾本諾爾西北至茂罕和碩三

道河始自東會之道元當時未經親履其地遂以夾山來會之三道河為灤河正源殊屬失實恭讀

御製灤源考證訂覈審確實足正鄙氏之誤謹錄弁卷首竝附識于此 又西北逕禦夷故

城東鎮北百四十里北流左則連淵水注之

案左下近刻衍

道字淵訛作泉

水出故城東西北流逕故城南又西北逕綠

水池南池水淵而不流

案池近刻訛作其

其水又西屈而北

流又東逕故城北連結兩沼

案沼上近刻衍池字

謂之連淵浦

案淵近刻訛作泉

又東北注難河難河右則汙水入焉

案汙近刻

汙水出東塢南西北流逕沙野南北人名之曰沙野

案近刻
脫野字

鎮東北二百三十里西北入難河濡難聲相

近狄俗語訛耳濡水又北逕沙野西又北逕箕安山

東屈而東北流逕沙野北東北流逕林山北

案後有
木林山

水其地即唐之松陁疑林山
及木林山皆松林山之訛

水北有池潭而不流濡

水又東北流逕孤山南東北流呂泉水注之水出呂

泉塢西東南流屈而東逕塢南東北流三泉水注之

其源三泉雁次合為一水鎮東北四百里東南注呂

泉水呂泉水又東逕孤山北又東北逆流水注之水

出東南導泉西流右屈而東北注木林山水會之水
出山南東注逆水亂流東北注濡河濡河又東盤泉
入焉水自西北東南流注濡河濡河又東南水流迴
曲謂之曲河鎮東北三百里又東出峽入安州界東
南流逕漁陽白檀縣故城地理志曰濡水出縣北蠻
中

案漢志白檀縣作洳水
師古曰洳音呼鴉反

漢景帝詔李廣曰將軍其

帥師東轅弭節白檀者也又東南流右與要水合水
出塞外三川竝導謂之大要水也東南流逕要陽縣

故城東本都尉治王莽更之曰要術矣要水又東南

流逕白檀縣而東南流入于濡

案白檀要陽在今密雲縣並非灤水所經

鄺氏此條舛誤殊甚

御製熱河考灤源考證特加辨正一破千古傳訛謹附

訂于此濡水又東南索頭水注之水北出索頭川南流

案此八字近刻訛作水北流南四字逕廣陽僑郡西魏分右北平置今

安州治又南流注于濡濡水又東南流武列水入焉

其水三川派合西源右為溪水亦曰西藏水東南流

出溪與蟠泉水合泉發州東十五里東流九十里東

注西藏水西藏水又西南流東藏水注之水出東溪
一曰東藏水西南流出谷與中藏水合水導中溪南
流出谷南注東藏水故目其川曰三藏川水曰三藏

水東藏水又南右入西藏水

案西藏水即今之固都爾呼河先合中藏水即

今之茅溝河次合東藏水即今之賽音河鄯氏敘東藏水于中藏水之前以為東溪西溪合流而與西源會殊乖川流之次恭讀

御製熱河考訂正詳審道元之附會耳食顯然無疑謹錄弁卷首竝附識于此

亂流右會龍泉水水出東山下淵深不

測其水西南流注于三藏水三藏水又東南流與龍

芻水合西出于龍芻之溪

案西近刻訛作而

東流入三藏水

案近刻

又東南流逕武列溪

案近刻脫武字

謂之武列水東

脫三字

南歷石挺下挺在層巖之上

案近刻脫挺字在訛作左又此句之下衍有字

孤石雲舉臨崖危峻可高百餘仞牧守所經

案近刻作遷

命選練之士彎張弧矢

案近刻脫張字

無能屈其崇標者其

水東合流入濡濡水又東南五渡水注之水北出安

樂縣丁原山南流逕其縣故城西本三會城也其水

南入五渡塘于其川也流紆曲溯涉者頻濟故川塘

取名矣又南流注于濡濡水又與高石水合水東出

安樂縣東山西流歷三會城南西入五渡川下注濡

水濡水又東南逕盧龍塞塞道自無終縣東出渡濡

水向林蘭陁東至清陁

案清陁方輿紀要作青陁下同

盧龍之險峻

坂縈折故有九縵之名矣

案縵近刻作崢

燕景昭元璽二年

遣將軍步渾治盧龍塞道焚山刊石令通方軌刻石

嶺上以記事功其銘尚存而庾杲之注揚都賦言盧

龍山在平岡城北殊為孟浪遠失事實余按盧龍東

越清陁至凡城二百許里自凡城東北出趣平岡故
城可百八十里向黃龍則五百里故陳壽魏志田疇
引軍出盧龍塞塹山堙谷五百餘里逕白檀歷平岡
登白狼望柳城平岡在盧龍東北遠矣而仲初言在
南非也濡水又東南逕盧龍故城東漢建安十二年
魏武征蹋頓所築也濡水又南黃洛水注之水北出
盧龍山南流入于濡濡水又東南洛水合焉水出盧
龍塞西南流注濡水濡水又屈而流

案近刻訛作
又合屈而注

左

得去潤水又合敷水二水竝自盧龍西注濡水濡水

又東南流逕令支縣故城東王莽之令氏亭也秦始皇

皇二十二年分燕置遼西郡令支隸焉魏土地記曰

肥如城西十里有濡水南流逕孤竹城西右合玄水

世謂之小濡水

案世近刻訛作也

非也水出肥如縣東北玄

溪

案近刻脫縣字

西南流逕其縣東東屈南轉西迴逕肥如

縣故城南俗又謂之肥如水

案近刻脫之字又此句之下衍非也二字

故

城肥子國應劭曰晉滅肥肥子奔燕燕封于此故曰

肥如也漢高帝六年封蔡寅為侯國西南流右會盧

水水出縣東北沮溪南流謂之大沮水又南左合陽

樂水水出東北陽樂縣溪案近刻地理風俗記曰陽

樂故燕地案近刻訛作也遼西郡治秦始皇二十二年置魏

土地記曰海陽城西南有陽樂城其水又西南入于

沮水謂之陽口沮水又西南小沮水注之水發冷溪

世謂之冷池又南得溫泉水口案此下近刻水出東

北溫溪自溪西南流入于小沮水小沮水又南流與

案此下近刻
衍注之二字

大沮水合而為盧水也桑欽說盧子之書言晉既滅肥遷其族于盧水盧水有二渠號小沮大沮合而入

于玄水

案水上近刻衍盧字

又南與温水合水出肥如城北西

流注于玄水地理志曰盧水南入玄玄水又西南逕孤竹城北西入濡水故地理志曰玄水東入濡蓋自

東而注也地理志曰令支有孤竹城故孤竹國也

案故

字近刻訛在城字上

史記曰孤竹君之二子伯夷叔齊讓國于

此而餓死于首陽漢靈帝時遼西太守廉翻夢人謂

已曰余孤竹君之子伯夷之弟遼海漂吾棺槨聞君
仁善願見藏覆明日視之水上有浮棺吏嗤笑者皆
無疾而死于于是改葬之晉書地道志曰遼西人見遼
水有浮棺欲破之語曰我孤竹君也汝破我何為因
為立祠焉祠在山上城在山側肥如縣南十二里水
之會也

又東南過海陽縣西南入于海

濡水自孤竹城東南逕西鄉北

案西近刻
訛作主

瓠溝水注

之水出城東南東流注濡水濡水又逕故城南

案故近刻

訛作牧

分為二水北水枝出世謂之小濡水也東逕樂

安亭北東南入海濡水東南流逕樂安亭南東與新

河故瀆合瀆自雍奴縣承鮑丘水東出謂之鹽關口

魏太祖征蹋頓與洶口俱導也世謂之新河矣

案近刻脫

之陳壽魏志云以通海也

案近刻脫云字又海字上行河字

新河又

東北絕庚水

案近刻訛作庚水

又東北出逕右北平絕洶渠

之水又東北逕昌城縣故城北

案此下近刻行故字

王莽之淑

武也新河又東分為二水

案近刻
脫分字

枝瀆東南入海新

河自枝渠東出合封大水謂之交流口

案近刻
訛作合

水出

新安平縣

案近刻脫
安字下同

西南流逕新安平縣故城西地

理志遼西之屬縣也又東南流龍鮮水注之水出縣

西北世謂之馬頭水

案近刻
訛作山

二源俱導南合一川東

流注封大水

案近刻
脫封字

地理志曰龍鮮水東入封大水

者也亂流南會新河南注于海

案注近刻
訛作流

地理志曰

封大水于海陽縣南入海新河又東出海陽縣與緩

虛水會

案虛近刻訛作靈下同

水出新平縣東北世謂之大籠

川

案近刻訛作山

東南流逕令支城西西南流與新河合南

流注于海

案近刻脫注字

地理志曰緩虛水與封大水皆南

入海新河又東與素河會謂之白水口水出令支縣

之藍山南合新河又東南入海新河又東至九過口

案過近

枝分南注海新河又東逕海陽縣故城南漢

刻作過

高祖六年封搖母餘為侯國魏土地記曰令支城南

六十里有海陽城者也新河又東與清水會水出海

陽縣東南流逕海陽城東又南合新河又南流十許

里西入九過注海新河東絕清水又東木究水出焉

南入海新河又東左逶為北陽孤淀案北近刻訛作孔淀水

右絕新河案近刻脫淀水二字右上行名字南注海新河又東會于

濡濡水又東南至案縣碣石山文穎曰碣石在遼西

案縣王莽之選武也案縣并屬臨渝王莽更臨渝為

馮德案馮近刻訛作憑地理志曰大碣石山在右北平驪成

縣西南王莽改曰揭石也案揭近刻作碣漢武帝亦嘗登之

以望巨海而勒其石于此今枕海有石如甬道數十

里當山頂有大石如柱形往往而見立于巨海之中

潮水大至則隱

案近刻脫此二字

及潮波退不動不沒不知

深淺世名之天橋柱也狀若人造要亦非人力所就

韋昭亦指此以為碣石也三齊略記曰始皇于海中

作石橋海神為之豎柱始皇求與相見神曰我形醜

莫圖我形當與帝相見乃入海四十里見海神左右

莫動手工人潛以腳畫其狀神怒曰帝負約速去始

皇轉馬還前脚猶立後脚隨崩僅得登岸畫者溺死
于海衆山之石皆傾注今猶岌岌東趣疑即是也濡
水于此南入海而不逕海陽縣西也蓋經誤證耳又
按管子齊桓公二十年征孤竹未至卑耳之溪十里
闕然止矐然視援弓將射

案援近刻
訛作授

引而未發謂左

右曰見前乎左右對曰不見公曰寡人見長尺而人
物具焉冠右袪衣走馬前豈有人若此乎管仲對曰
臣聞豈山之神有偷兒

案管子作登山
之神有偷兒

長尺人物具

霸王之君興則豈山之神見且走馬前走導也祛衣示前有水右祛衣示從右方涉也至卑耳之溪有贊水者從左方涉其深及冠右方涉其深至膝已涉大濟桓公拜曰仲父之聖至此寡人之抵罪也久矣今自孤竹南出則巨海矣而滄海之中山望多矣然卑耳之川若贊溪者亦不知所在也昔在漢世海水波襄吞食地廣當同碣石苞淪洪波也

大遼水出塞外衛白平山東南入塞過遼東襄平縣西

遼水亦言出砥石山

案砥近刻
訛作砥

自塞外東流直遼東

之望平縣西王莽之長說也屈而西南流逕襄平縣

故城西秦始皇二十二年滅燕置遼東郡治此漢高

帝八年封紀通為侯國王莽之昌平也故平州治又

南逕遼隊縣故城西

案近刻南訛作
東隊訛作遂

王莽更名之曰

順睦也

案睦近刻
訛作睦

公孫淵遣將軍畢行拒司馬懿于

遼隊即是處也

案此下近刻有遼水又南歷縣
有小遼水其流注之也十五字

又東南過房縣西

地理志房故遼東之屬縣也遼水右會白狼水水出

右北平白狼縣東南

案近刻此下有廣成縣三字係衍文

北流西北屈

逕廣成縣故城南王莽之平虜也俗謂之廣都城又

西北石城川水注之水出西南石城山東流逕石城

縣故城南地理志右北平有石城縣北屈逕白鹿山

西即白狼山也魏書國志曰遼西單于蹋頓尤強為

袁氏所厚故袁尚歸之數入為害公出盧龍塹山堙

谷五百餘里未至柳城二百里尚與蹋頓將數萬騎

逆戰公登白狼山望柳城卒與虜遇乘其不整縱兵擊之虜衆大崩斬蹋頓胡漢降者二十萬口英雄記曰曹操于是擊馬鞏于馬上作十片即于此也博物志曰魏武于馬上逢獅子使格之殺傷甚衆王乃自率常從健兒數百人擊之獅子吼呼奮越

案吼近刻作哮

左

右咸驚王忽見一物從林中出如狸超上王車輒上獅子將至此獸便跳上獅子頭上獅子即伏不敢起于是遂殺之得獅子而還未至洛陽四十里洛中雞

狗皆無鳴吠者也

案洛中近刻
訛作洛陽

其水又東北入廣成

縣東注白狼水白狼水北逕白狼縣故城東

案近刻
脫故字

王莽更名伏狄白狼水又東方城川水注之水發源

西南山下

案源近刻
訛作川

東流北屈逕一故城西

案近刻
脫東字

世謂之雀目城東屈逕方城北東入白狼水白狼水

又東北逕昌黎縣故城西地理志曰交黎也東部都

尉治王莽之禽虜也應劭曰今昌黎也高平川水注

之水出西北平川東流逕倭城北蓋倭地人徙之

案近

刻訛作蓋委
也人從之

又東南逕乳樓城北蓋逕戎鄉邑兼夷

稱也

案近刻
訛作之

又東南注白狼水白狼水又東北自魯

水注之水導西北遠山東南注白狼水白狼水又東

北逕龍山西燕慕容皝以柳城之北龍山之南福地

也使陽裕築龍城改柳城為龍城縣十二年黑龍白

龍見于龍山皝親觀龍去二百步祭以太牢二龍交

首嬉翔解角而去皝悅大赦號新宮曰和龍宮立龍

翔祠于山上白狼水又北逕黃龍城東十三州志曰

遼東屬國都尉治昌遼道有黃龍亭者也

案遼近刻訛作黎

魏營州刺史治魏土地記曰黃龍城西南有白狼河

東北流附城東北下即是也又東北濫真水出西北

塞外東南歷重山東南入白狼水白狼水又東北出

東流分為二水

案近刻脫分字

右水疑即渝水也地理志曰

渝水首受白狼水西南循山逕一故城西世以為河

連城

案近刻循訛作巡脫西字世字

疑是臨渝縣之故城王莽曰馮

德者矣

案近刻馮訛作憑

渝水南流東屈與一水會世名之

曰盭倫水蓋戎方之變名耳疑即地理志所謂侯水
北入渝者也十三州志曰侯水南入渝地理志蓋言
自北而南也

案蓋言近刻
訛作言蓋

又西南流注于渝渝水又

東南逕一故城東俗曰女羅城又南逕營丘城西營
丘在齊而名之于遼燕之間者蓋燕齊遼迥僑分所

在其水東南入海地理志曰渝水自塞外南入海

案近

刻脫
外字

一水東北出塞為白狼水又東南流至房縣注

于遼魏土地記曰白狼水下入遼也

又東過安市縣西南入于海

十三州志曰

案近刻
脫曰字

大遼水自塞外

案近刻
脫外字

西南至

安市入于海

又玄菟高句麗縣有遼山小遼水所出

縣故高句麗胡之國也

案胡近刻
訛作相

漢武帝元封二年

平右渠置玄菟郡于此王莽之下句麗水出遼山西
南流逕遼陽縣與大梁水會水出北塞外西南流至

遼陽入小遼水

案近刻訛作西
南流逕至遼水

故地理志曰大梁水

西南至遼陽入遼郡國志曰縣故屬遼東後入玄菟

其水西南流故謂之為梁水也小遼水又西南逕襄

平縣為淡淵晉永嘉三年涸小遼水又逕遼隊縣

案近

刻訛作逕

入大遼水

案遼近刻訛作梁

司馬宣王之平遼東

也斬公孫淵于斯水之上者也

西南至遼隊縣入于大遼水也

案此十二字近刻在前接小遼水所出下條後

人移改

涓水出樂浪鏤方縣東南過臨涓縣東入于海

案近刻過下行

字于

許慎云涇水出鏤方東入海一曰出涇水縣十三州

志曰涇水縣在樂浪東北鏤方縣在郡東蓋出其縣

南逕鏤方也

案南近刻訛作而又此句之下原本空一字朱謀埠引謝耳伯云宋本原缺十

二昔燕人衛滿自涇水西至朝鮮

案西近刻訛作而

朝鮮故

箕子國也箕子教民以義田織信厚約以八法而下

知禁遂成禮俗戰國時滿乃王之都王險城地方數

千里至其孫右渠漢武帝元封二年遣樓船將軍楊

僕左將軍荀彘討右渠破渠于涓水遂滅之若涓水
東流無渡涓之理其地今高句麗之國治余訪蕃使
言城在涓水之陽其水西流逕故樂浪朝鮮縣即樂
浪郡治漢武帝置而西北流故地理志曰涓水西至
增地縣入海又漢興以朝鮮為遠循遼東故塞至涓
水為界考之今古于事差謬蓋經誤證也

水經注卷十四